


't Kerkje van Ellesdiek



Oecumenische bieseênkomst
19 juni 2016

‘Kwiet?’

Liturgie Ellesdiek 19 juni 2016

Thema: 'Kwiet?'

Urgelmuziek (Ko de Visser)

Welkom (Fetsje Bouman)

Blommen (Janny Geldof)

(me gae stae)

Zienge Lied 119 vers 1 en 66 NLB

1. Goed-af die a d' oprechte wegen gae,
die a in 't spoor gae van Gods gouwe regel.
Goed-af die a zien raed wille verstae,
mie eêl d'r arte zoeke nae zien vrede –
varre van 't onrecht, varre van et kwaë –
volge Gods pad van eêre en geweten.

66. Geef Jie mien leven ziele, wees mien lied!
Mag ik voe noe en aoltied bie Joe oare?
Ik was een schaep, ik was de pad glad kwiet.
Zoek mien en brieng me veilig nì de koôie.
Oe a'k mò leve, dat vergeet ik nie.
Gae nì m'op zoek, wan dan zà ik et roôie.

Durpelgebed (Hannie Oele)

(me gae zitte)

Mie z'n vieren VL 478 Kom Jie, Aesem

*Kom Jie, Aesem, gloei mien an
brieng mien uut joe varste varten
golven licht.
Welkom voader van d' erme
welkom oôgste schienker
welkom god van liefde.
Beste traenendroôger
lieve zielsbeweuner
vriend van mien, schulieng.
Even ruste voe
tobbers en zwoegers, die a strek gae stae
een vee groôte troôst bin jie.
Onmeugelijk moôdi licht,
overstroôm de diepte
van mien 'arte, jie weet der van.
God bin jie, zonder joe is
aolles nacht en ontie,
steên'ard, schuld,
mè jie schoôn 't aol. Ver-
lept mien blom-me, geef waeter
zalf mien wonden.
Stram stae ik, gin mènes komt der in,
aol ies. Ontdoôdi mien, verworm mien.
Kwiet raek ik, zoek mien.
'k Zègge ja jie, 'k doe neê. Geef
voe mien twufel joe vriendschap
zeven kêr duzend kêr.
Niks bin ik zonder joe.
Doôd wil ik nae joe toe.
Dan bin ik vee blie.*

Lezieng Psalm 139 (Clasien Rooze)
(Uut Psalmen vrie)

Mie z'n vieren *Ael m'n gezicht op (VL 744)*

1.

Ael m'n gezicht op – maek me môôï.

Ael m'n gezicht op – maek me môôï.

*Ael m' uut de vouwe – zoek me, vin' me,
'k è vee gezichten – twêê en mêêr.*

*M'n ôôgen bin die van een blinden,
m'n arte gaet om niks te kêêr.*

*Ael m'n gezicht op, ael m'n gezicht op -
maek me môôï.*

2.

Ael m'n gezicht op – maek me môôï.

Ael m'n gezicht op – maek me môôï.

*Kom j' uut de vouwe, wor j' 'evonde
kom je toet leven, toet verstaen;*

*as veugels - vrie en ongebonde
as mensen levend van de wind.*

*Ael m'n gezicht op, ael m'n gezicht op -
maek me môôï.*

Lezieng Lucas 15:1 – 10 (Corry Verburg)

Zienge NLB 896
Mie z'n vieren 1, 2, 3 en 6, aollemille 4, 5 en 7

1. Bin jje je geld ver - lo - re
toet joen ont - stel - te - nis,
dan zoek je uu - ten - treu - re
toet at wee t'rech - te is.

*2. En loôp je kind verlore
dan kiek je aolmè rond;
mie anden, oôgen, oôren
zocht jje toet a je 't vond.*

*3. Bin jje je God verlore,
zoek je langs aolle kant:
op aerde, in den emel,
toet in et varste land.*

4. A oans as mèn's zò leve
da j' aoltied zoeke mot –
wan vinde, da's een zegen –
oevee temeêr dan God.

5. Ie ziet oans a van varre
omda me 'N dierbaer bin:
nog meêr as van de sterren
'ouw God van 't mènsekind.

*6. Nog voe a oans Um zoeke,
ei Um oans a 'ezocht.
En noe a m' om Z'n roepe,
geeft Um oans d' aesemtocht.*

7. En a Um 't joe wil geve
dan zie je 'N overaol:
in mènsen aollerwege,
in 't diepste van een woord.

Overdienkieng

Zienge

NLB 816

Mie z'n vieren vers 1 en 2, aollemille 3 en 4

1. Da me oans ei-gen dur-ve ge - ve
an een be-staen, zò frank, zò vrie
dat a uut-noa-digt om te le - ven
van dag toet dag en an-ders nie.

*2. Da m' onze steêne vastigheden
los durve laet' as schut en stut.
Da d' eêten aesem van 't verleden
oans nie in 'aelt en stille zet.*

3. Wan oans kunn' ier wèr uuzen bouwe,
gerust in weze kù me 'r nie:
a oans op baksteênen vertrouwe
dan leve m' an een aar verbie.

4. Da geld en goed nie an oans trokke
mè da m' oans vrie van geêst en zin
nae 't ongekende laete lokke.
Da Jie voe oans een weunieng bin.

Mie z'n vieren

A Jie nie bin (NLB 926)

*A Jie nie bin:
de grond waer a 'k op stae
de bron waer a 'k uut putt'
de varte die a mien roept –
a Jie 't nie bin
wae bluuf ik dan
in tied en eêwigheid*

Voorbeden
Acclamatie

(Marga van de Plasse)

Roep oan-ze nae-men da me Joe oa - re
da me wee ae - se me en uut Joe lee - ve.

Oanze Vaoder

Onze Vaoder in d'n emel,
laete me aol joe naem ôog ouwe.
Da joe nieuwe wêrld mae mag komme.
Da me op aerde doe wat a jie wil,
net as a dat in d'n emel gebeurt.
Geef ons vandaege 't eten dat a me nôdig è.
Reken 't ons nie an a me fout gewist bin,
dat doe ons ook nie bie mènsen die ons wat
misdaen è.
Elp ons om nie tegen joe op te kommen,
en laet 't kwaed gin baos over ons weze.
Jie ei 't voo 't zeggen
Joe kracht en pracht bin voo aoltied en eêwig.
Amen

Mie z'n vieren

Negentwintig naemen voor Jezus van Nazareth

*Naeste. Vreemden. Jood. Zaed. Boôm bie de bron.
 Bruidegom. Weg. Droôm van een mènes. Deur'
 open. Sluutsteên. Sloter. Leêuw van Juda. Lam.
 Recht-vaer-di-ge.
 Wachter. Paerel. Schote. Vis. Broôd. Woord.
 Wienstok. Zeune Gods. Knecht. Stroômen levend
 waeter. Eêste licht. Koptrokker. Eênigen. Nie te
 zèggen zèggen. Nie te zèggen zèggen. Nie te zèggen
 zèggen.*

Collectes

D'n eêsten is voe Onyame en de twidden voe de onkosten van de bieeênkomst. In meie was de opbriengst voe Onyame 71,83 euro en voe de onkosten 79,61 euro.

(me gae stae)

Zienge

Psalm 119 vers 40 en 49 (NLB)
 40.

Joe woord is as een lampe voe mien voet,
 't licht zà m'n gank en stappen vaster maeke,
 de juuste wegen uut de doeken doe.

Joe recht en regels, di zà' k over waeke
 wan joe rechtvaerdigheid is 't oôgste goed,
 zò a'k beloofd è: 'k roep' et van de daeken!

49

'k Stae aoltied wee versteld wat a Jie zeit,
 'k zà 't in m'n arte koester' en bewaere.

Waer a joe woorden open gae, wor 't licht –
 in oans verstand za 't duuster wee opklaere.

Aol die a dole, kriege doel in zicht –

't woord wiest de weg, di kù me blind op vaere.

Zegenbede

(me gae zitte)

Slotwoord